



PRIJEDLOG

**PROGRAM
SUFINANSIRANJA SAMOZAPOŠLJAVANJA
START UP 2018**

Sarajevo, januara/siječnja 2018. godine

SADRŽAJ

1.	Osnov za donošenje, izvor finansiranja i nosioci realizacije Programa	3
2.	Cilj Programa	3
3.	Ciljna grupa.....	3
4.	Poticajne mjere	3
4.1.	<i>Poduzetništvo za mlade</i>	3
4.2.	<i>Poduzetništvo za žene</i>	3
4.3.	<i>Poduzetništvo za sve</i>	3
5.	Raspodjela sredstava za realizaciju Programa	4
6.	Priprema za realizaciju Programa	5
7.	Javni poziv	6
8.	Prijava na javni poziv	6
9.	Provjera podataka i potpisivanje ugovora sa korisnicima sredstava	6
10.	Pravdanje i isplata odobrenih sredstava	7
11.	Kontrola i praćenje izvršenja ugovornih obaveza.....	7
12.	Indikatori za nadgledanje/monitoring i ocjenu/evaluaciju uspješnosti efekata zapošljavanja ..	8
12.1.	<i>Ulazni podaci</i>	8
12.2.	<i>Podaci o aktivnostima</i>	8
12.3.	<i>Izlazni podaci/rezultati</i>	8
12.4.	<i>Učinak</i>	8

1. Osnov za donošenje, izvor finansiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, ciljevima iz Programa rada Federalnog zavoda za zapošljavanje za 2018. godinu, sačinjen je Program sufinansiranja samozapošljavanja Start up 2018 (u daljem tekstu: Program).

Za realizaciju Programa predviđena su sredstva u iznosu od 6.000.000 KM u skladu sa Finansijskim planom za 2018. i procjenom za 2019. i 2020. godinu.

Federalni zavod za zapošljavanje (u daljem tekstu: Zavod) realizira Program u saradnji sa kantonalnim/županijskim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj Programa

Poticanje najmanje 1.200 osoba sa evidencije nezaposlenih u Federaciji BiH na samozapošljavanje, pokretanjem djelatnosti, kao i na zapošljavanje drugih osoba sa evidencije nezaposlenih u tim djelatnostima.

3. Ciljna grupa

Ciljna grupa su osobe prijavljene na evidenciju nezaposlenih u Federaciji BiH prije dana podnošenja prijave na Javni poziv, bez obzira na stepen obrazovanja i starosnu dob, a koje će po prijavi na Javni poziv registrirati i održati djelatnost u trajanju od najmanje 12 mjeseci.

U Programu ne mogu učestvovati osobe koje su po Javnom pozivu iz 2015, 2016. i 2017. godine koristile poticajna sredstva iz mjera za pokretanje samostalne djelatnosti, u čijoj realizaciji su učestvovali Zavod/službe, kao ni osobe koje su odjavile djelatnost u periodu od šest mjeseci prije objave Javnog poziva za učešće u ovom programu.

4. Poticajne mjere

4.1. Poduzetništvo za mlade

Sufinansiranje samozapošljavanja mladih, dobi do 30 godina, bez obzira na spol, radno iskustvo i stepen obrazovanja, prijavljenih na evidenciju nezaposlenih prije dana podnošenja prijave na Javni poziv radi pokretanja i registracije obrta/privrednog društva.

Zavod će mladim, tj. korisnicima sredstava, sa kojima se zaključi ugovor o sufinansiranju samozapošljavanja u svim djelatnostima, u narednih 12 mjeseci isplaćivati poticajna sredstva, i to u iznosu od 390 KM (mjesečno).

4.2. Poduzetništvo za žene

Sufinansiranje samozapošljavanja žena, bez obzira na dob, radno iskustvo i stepen obrazovanja, prijavljenih na evidenciju nezaposlenih prije dana podnošenja prijave na Javni poziv radi pokretanja i registracije obrta/privrednog društva.

Zavod će korisnicama sredstava, sa kojima se zaključi ugovor o sufinansiranju samozapošljavanja u svim djelatnostima, u narednih 12 mjeseci isplaćivati poticajna sredstva, i to u iznosu od 390 KM (mjesečno).

4.3. Poduzetništvo za sve

Sufinansiranje samozapošljavanja osoba, bez obzira na spol, dob, radno iskustvo i stepen obrazovanja, prijavljenih na evidenciju nezaposlenih prije dana podnošenja prijave na Javni poziv radi pokretanja i registracije obrta/privrednog društva.

Zavod će nezaposlenim osobama, tj. korisnicima sredstava, sa kojima se zaključi ugovor o sufinansiranju samozapošljavanja u svim djelatnostima, u narednih 12 mjeseci isplaćivati poticajna sredstva, i to u iznosu od 360 KM (mjesečno).

Također, na ime troškova pokretanja djelatnosti (registracija, ljekarsko uvjerenje, taksa, materijal, oprema/sredstva za rad i sl.) Zavod će isplatiti/refundirati sredstva u iznosu od 200 KM, pod uvjetom da korisnik dostavi pravdanje u tu svrhu, uz isplatu prvog dijela mjesečne refundacije.

Ukoliko korisnik u okviru registrirane djelatnosti zaposli drugu osobu, prijavljenu na evidenciju nezaposlenih prije dana podnošenja prijave na Javni poziv, mjesečno će mu se isplaćivati/refundirati sredstva u iznosu od po 330 KM po novozaposlenoj osobi, bez obzira na dob, radno iskustvo i stepen obrazovanja u trajanju od šest (6) mjeseci.

5. Raspodjela sredstava za realizaciju Programa

Tabela 1: Okvirna raspodjela sredstava po kantonima za sve mjere

KANTON/ŽUPANIJA	Nezaposlene osobe (31.12.2017.)	70% prema broju nezaposlenih	30% linearno	UKUPNO
1. Unsko-sanski	41.326	496.339	180.000	676.339
2. Posavski	4.864	58.418	180.000	238.418
3. Tuzlanski	84.250	1.011.870	180.000	1.191.870
4. Zeničko-dobojski	61.801	742.250	180.000	922.250
5. Bosansko-podrinjski	3.273	39.310	180.000	219.310
6. Srednjobosanski	36.799	441.968	180.000	621.968
7. Hercegovačko-neretvanski	32.183	386.528	180.000	566.528
8. Zapadnohercegovački	10.901	130.925	180.000	310.925
9. Kanton Sarajevo	66.325	796.585	180.000	976.585
10. Kanton 10 (Livanjski)	7.977	95.806	180.000	275.806
UKUPNO	349.699	4.200.000	1.800.000	6.000.000

Tabela 2: Raspodjela sredstava po kantonima za mjeru: 4.1.

KANTON/ŽUPANIJA	Nezaposlene osobe (31.12.2017.)	70% prema broju nezaposlenih	30% linearno	UKUPNO
1. Unsko-sanski	41.326	165.446	60.000	225.446
2. Posavski	4.864	19.473	60.000	79.473
3. Tuzlanski	84.250	337.290	60.000	397.290
4. Zeničko-dobojski	61.801	247.417	60.000	307.417
5. Bosansko-podrinjski	3.273	13.103	60.000	73.103
6. Srednjobosanski	36.799	147.323	60.000	207.323
7. Hercegovačko-neretvanski	32.183	128.843	60.000	188.843
8. Zapadnohercegovački	10.901	43.642	60.000	103.642
9. Kanton Sarajevo	66.325	265.528	60.000	325.528
10. Kanton 10 (Livanjski)	7.977	31.935	60.000	91.935
UKUPNO	349.699	1.400.000	600.000	2.000.000

Tabela 3: Raspodjela sredstava po kantonima za mjeru 4.2.

KANTON/ŽUPANIJA	Nezaposlene osobe (31.12.2017.)	70% prema broju nezaposlenih	30% linearno	UKUPNO
1. Unsko-sanski	41.326	82.723	30.000	112.723
2. Posavski	4.864	9.736	30.000	39.736
3. Tuzlanski	84.250	168.645	30.000	198.645
4. Zeničko-dobojski	61.801	123.708	30.000	153.708
5. Bosansko-podrinjski	3.273	6.552	30.000	36.552
6. Srednjobosanski	36.799	73.661	30.000	103.661
7. Hercegovačko-neretvanski	32.183	64.421	30.000	94.421
8. Zapadnohercegovački	10.901	21.821	30.000	51.821
9. Kanton Sarajevo	66.325	132.764	30.000	162.764
10. Kanton 10 (Livanjski)	7.977	15.968	30.000	45.968
UKUPNO	349.699	700.000	300.000	1.000.000

Tabela 4: Raspodjela sredstava po kantonima za mjeru: 4.3.

KANTON/ŽUPANIJA	Nezaposlene osobe (31.12.2017.)	70% prema broju nezaposlenih	30% linearno	UKUPNO
1. Unsko-sanski	41.326	248.169	90.000	338.169
2. Posavski	4.864	29.209	90.000	119.209
3. Tuzlanski	84.250	505.935	90.000	595.935
4. Zeničko-dobojski	61.801	371.125	90.000	461.125
5. Bosansko-podrinjski	3.273	19.655	90.000	109.655
6. Srednjobosanski	36.799	220.984	90.000	310.984
7. Hercegovačko-neretvanski	32.183	193.264	90.000	283.264
8. Zapadnohercegovački	10.901	65.462	90.000	155.462
9. Kanton Sarajevo	66.325	398.293	90.000	488.293
10. Kanton 10 (Livanjski)	7.977	47.903	90.000	137.903
UKUPNO	349.699	2.100.000	900.000	3.000.000

Zavod će, zavisno od stanja i potreba na tržištu rada, odlučivati o eventualno neutrošenim sredstvima tokom realizacije Programa, odnosno njihovoj (pre)raspodjeli, u skladu sa iskazanim potrebama kantona/županija.

6. Priprema za realizaciju Programa

U okviru pripremne faze Programa, Zavod:

- informira javnost o Programu osam (8) dana prije objave Javnog poziva,
- izrađuje obrasce ugovora i izvještaja o plaćanju,
- izrađuje softversku aplikaciju za prijavu na Javni poziv,
- obezbjeđuje softversku aplikaciju (bazu) za unos podataka,
- potpisuje sa službama Sporazum o međusobnoj saradnji o realizaciji Programa.

7. Javni poziv

Zavod objavljuje Javni poziv za učešće u Programu putem web portala: www.fzzz.ba a po potrebi i putem drugih sredstava javnog informisanja. Javni poziv traje najdalje do 31.12.2018. godine i objavljivat će se najmanje dva puta u okviru ukupno predviđenih sredstava za Program, uz eventualno pridruživanje neugovorenih sredstva iz prethodne objave.

Upravni odbor Zavoda će u toku realizacije, a zavisno od stanja i potreba na tržištu rada odlučivati o promjenama poticajnih mjera i ciljnih grupa iz ovog programa koje će biti realizirane u toku kalendarske godine.

Osnovne informacije o postupcima, proceduri i aktivnostima iz Programa, nezaposlene osobe dobivaju na portalu, te putem telefona i e-maila u službama i Zavodu. Zavod objavljuje Javni poziv za učešće u Programu putem sredstava javnog informiranja i web portala: www.fzzz.ba.

8. Prijava na javni poziv

Nezaposlena osoba se prijavljuje za učešće u Programu putem linka na web portalu: www.fzzz.ba, tako što u elektronski obrazac prijave unosi lične podatke i podatke o poslovnoj ideji koju namjerava realizirati, te eventualno podatke o osobama koje želi zaposliti.

Datum podnošenja prijave je datum kada se osoba prijavila putem linka na portalu.

Nakon izvršene prijave, a najkasnije u roku od 60 dana, osoba, odnosno aplikant dostavlja Službi isprintan i svojeručno potpisan **Obrazac prijave** uz koji obavezno dostavlja:

- ovjerenu kopiju rješenja o registraciji djelatnosti, čiji datum je nakon datuma podnošenja prijave na Javni poziv,
- kopiju Uvjerenja o poreznoj registraciji (ID broj),
- kopiju prijave na obavezna osiguranja u Poreznoj upravi Federacije BiH (obrazac JS 3100),
- ovjerenu kopiju ugovora o radu i kopiju prijave na obavezna osiguranja u Poreznoj upravi Federacije BiH (obrazac JS 3100) za osobe koje zapošljava ili s kojima registrira djelatnost,
- broj računa registrirane djelatnosti u poslovnoj banci na koji će se sredstva doznačiti.

9. Provjera podataka i potpisivanje ugovora sa korisnicima sredstava

Služba provjerava podatke iz prijave (utvrđivanje statusa nezaposlenosti, ranijeg učešća u projektima zapošljavanja, odnosno samozapošljavanja i sl.) i dostavljenju dokumentaciju, te nakon što utvrdi validnost iste, priprema Ugovor o sufinansiranju samozapošljavanja u tri (3) primjerka koje nepotpisane dostavlja aplikantu uz napomenu da iste potpisane i ovjerene vrati Službi.

Nakon toga, Služba potpisuje i ovjerava primjerke Ugovora i dostavlja Zavodu koji, također, potpisuje i ovjerava primjerke Ugovora.

Zavod zadržava jedan (1) primjerak, a dva (2) primjerka Ugovora vraća Službi, od kojih se jedan (1) primjerak prosljeđuje korisniku.

10. Pravljanje i isplata odobrenih sredstava

Nakon zaključivanja Ugovora o sufinansiranju samozapošljavanja, a na osnovu dostavljenog Izvještaja Službe o ispunjavanju uvjeta za isplatu, Zavod će korisniku mjesečno isplaćivati/refundirati na račun registrirane djelatnosti odobreni iznos sufinansiranja, i to:

- iznos od 390 KM u okviru mjere „Poduzetništvo za mlade“ u narednih 12 mjeseci, po dostavljanju Specifikacije uz uplatu doprinosa poduzetnika (obrazac 2002) u slučaju registracije obrta ili Specifikacije uz uplatu plaće zaposlenika u radnom odnosu kod pravnih i fizičkih lica (obrazac 2001) u slučaju registracije privrednog društva, ovjerene u Poreznoj upravi Federacije BiH,
- iznos od 390 KM u okviru mjere „Poduzetništvo za žene“ u narednih 12 mjeseci, po dostavljanju Specifikacije uz uplatu doprinosa poduzetnika (obrazac 2002) u slučaju registracije obrta ili Specifikacije uz uplatu plaće zaposlenika u radnom odnosu kod pravnih i fizičkih lica (obrazac 2001) u slučaju registracije privrednog društva, ovjerene u Poreznoj upravi Federacije BiH,
- iznos od 360 KM u okviru mjere „Poduzetništvo za sve“ u narednih 12 mjeseci, po dostavljanju Specifikacije uz uplatu doprinosa poduzetnika (obrazac 2002) u slučaju registracije obrta ili Specifikacije uz uplatu plaće zaposlenika u radnom odnosu kod pravnih i fizičkih lica (obrazac 2001) u slučaju registracije privrednog društva, ovjerene u Poreznoj upravi Federacije BiH,
- u slučaju zapošljavanja drugih osoba, iznos od 330 KM u trajanju od narednih šest (6) mjeseci, po dostavljanju Specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001), ovjerene u Poreznoj upravi Federacije BiH, uplatnice za pojedinačne isplate plaća, a u slučaju zbirne uplate plaća, kopiju izvoda banke iz kojih je vidljiva isplata pojedinačne plaće za sufinansiranu osobu.

Uz isplatu/refundaciju prvog dijela ugovorne obaveze, a po izvršenju pravljanja utrošenih sredstava, korisniku će se isplatiti i iznos od 200 KM na ime neophodnih troškova pokretanja djelatnosti (registracija, ljekarsko uvjerenje, taksa, materijal, oprema/sredstva za rad i sl.).

U slučaju nastupanja okolnosti da je osoba čije se samozapošljavanje sufinansira, ili osobe koja se zapošljava, privremeno spriječena za rad duže od 42 dana ili koristi porodiljsko odsustvo, sufinansiranje samozapošljavanja/zapošljavanja se obustavlja za taj period. U slučaju povratka na rad osobe po prestanku predmetnih okolnosti, korisnik za preostali period ima pravo nastaviti koristiti prava određena Programom i ciljom mjere iz ugovora o sufinansiranju samozapošljavanja.

Radi efikasnosti i ekonomičnosti realizacije Programa, sve eventualne izmjene podataka iz Ugovora o sufinansiranju samozapošljavanja, te obračun i refundaciju do tada opravdanog iznosa sredstava, ugovorne strane prihvataju bez posebnih aneksa ovom ugovoru, uz validnu dokumentaciju koja opravdava te izmjene.

11. Kontrola i praćenje izvršenja ugovornih obaveza

Zavod/Služba će kontinuirano provoditi kontrolu realizacije ugovornih obaveza, i to:

- *provjerom dokumentacije koju korisnik redovno dostavlja radi pravljanja odobrenih sredstava,*

- provjerom u bazi podataka Porezne uprave Federacije BiH, kojom će se pratiti obaveza održavanja registrirane djelatnosti u predviđenom roku,
- prema potrebi i kontrolom provođenja ugovorenih obaveza neposredno kod korisnika.

Ukoliko se utvrdi da se ugovorene obaveze ne ispunjavaju, Zavod/Služba će pokrenuti postupak raskida ugovora.

12. Indikatori za nadgledanje/monitoring i ocjenu/evaluaciju uspješnosti efekata zapošljavanja

Podaci i indikatori za monitoring i evaluaciju Programa.

12.1. Ulazni podaci

- Broj nezaposlenih osoba prijavljenih na evidenciju nezaposlenih, a koje pripadaju ciljnoj grupi/grupama, zaključno sa 31.12.2017. godine
- Spolna, dobna, obrazovna struktura ciljne grupe
- Iznos ukupno planiranih sredstava po Programu

12.2. Podaci o aktivnostima

- Broj aplikacija-zaprimljenih prijava/Broj zaključenih ugovora o sufinansiranju samozapošljavanja
- Struktura registriranih djelatnosti/malih biznisa
- Iznos ugovorenih sredstava
- Broj osoba iz ciljnih grupa obuhvaćenih mjerama
- Spolna, dobna, obrazovna struktura korisnika Programa
- Prosječan iznos poticaja/intervencije po osobi

12.3. Izlazni podaci/rezultati

- Broj osoba iz ciljne grupe koje su zadržale djelatnost/mali biznis do okončanja ugovora o sufinansiranju samozapošljavanja
- Broj osoba iz ciljne grupe koje su ostale u radnom odnosu do okončanja ugovora a zaposlene su u novootvorenoj djelatnosti
- Planirano/ugovoreno/utrošeno sredstava po Programu

12.4. Učinak

- Broj osoba koje su zadržale djelatnost (6), odnosno 12 mjeseci nakon isteka perioda sufinansiranja
- Neto učinak Programa.